

Iluarsiissut

Isumaliutissiissut 23. oktober 2025-meersoq taarserpaa
(Aaqqissuussaanikkut iluarsiinerit)

2026-imut aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip aappassaaneerneqarneranut

ISUMALIUTISSIISSUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik
ilaasortarai:

Inatsisartunut ilaasortaq Erik Jensen, Siumut, siulittaasoq
Inatsisartunut ilaasortaq Pele Broberg, Naleraq, siulittaasup tullia
Inatsisartunut ilaasortaq Mariane Paviasen Jensen, Inuit Ataqatigiit
Inatsisartunut ilaasortaq Margrethe Thårup Andersen, Demokraatit
Inatsisartunut ilaasortaq Jørgen Rosbach, Demokraatit

Ulloq 23. september 2025-mi siullermeerinninnerup kingorna ataatsimiititaliap siunnersuut
misissorpaa.

Imarisai:

1. Aallaqqaasiut	3
2. Siunnersuutip imarisaa siunertaalu	3
2.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat	3
2.2 Ataatsimoortumik tullerriiaarisarnissamik tunngavik	4
3. Aningaasanut inatsisissatut siunnersuummik siullermeerinninneq	5
4 Ataatsimiititaliap Naalakkersuisunut apeqquai	5
5 Ataatsimiititaliap siunnersuummik suliarinninnera	5
5.1 Aningaasaqarnermut Ataatsimiititaliap ataatsimut isigalugu isummernera	6
5.2 Aningaasaqarnermut Akileraartarnermullu Ataatsimiititaliap apeqquai/oqaaseqaatai sammisanut agguataarlugit	7
6. Naalakkersuisut allannguutissatut siunnersuutaat	8
6.1 Aningaasaliissutitut allannguutissatut siunnersuutit	10
6.1.1 Sammisag 1 – Teknikikkut allannguutit	11
6.1.2. Sammisag 2 – Missingersuutitut sunniuteqanngitsumik allannguutit	11
6.1.3. Sammisag 2.1 – Inuussutissarsiornermut missingersuutitut allannguinnngitsumik allannguutit	12
6.1.4. Sammisag 3 – Inuussutissarsiornermut missingersuutitut allannguinnngitsumik allannguutit	13
6.2 Oqaasertaliussanut allannguutissatut siunnersuutit	14
6.2.1 Naalakkersuisut oqaasertaliussanut allannguutissatut siunnersuutaat	14
7. Aningaasaqarnermut Ataatsimiititaliap inassuteqaatai	16

Ilanngussanut takussutissiaq:

- A. Aningaasaqarnermut Ataatsimiititaliap AIS2026 pillugu Naalakkersuisunut apeqquai 28. august 2025-meersut.
- B. Aningaasaqarnermut Akileraartarnermullu Ataatsimiititaliap apeqquaanut Naalakkersuisut akissutaat 16. september 2025-meersut, tak. ilanngussag A.
- C. Naalakkersuisut aningaasaliissutitut allannguutissatut siunnersuutaat 21. oktober 2025-meersut. (Allannguutissatut siunnersuutit nr. 1-102).
- D. Oqaasertaliussanut Naalakkersuisut allannguutissatut siunnersuutaat 21. oktober 2025-meersut. (Allannguutissatut siunnersuutit nr. 103-112).

1. Aallaqqaasiut

Inatsisartut Naalakkersuisullu pillugit inatsimmi § 16, imm. 1 naapertorlugu aningaasanut inatsisissatut siunnersuutip siullermeerneqarnerata aappassaaneerneqarneratalu akornanni Aningaasaqarnermut Akileraartarnermullu Ataatsimiititaliaq aningaasanut inatsisissatut siunnersuut pillugu Inatsisartunut isumaliutissiissuteqassaaq.

Ataatsimiititaliap aningaasanut inatsisissatut siunnersuut missingersuutit pillugit Nuummi 2025-mi augustimi isumasioqatigiinnermi misissorpaa. Aningaasanut Akileraartarnermullu Ataatsimiititaliap ukiumoortumik missingersuutit pillugit isumasioqatigiittarnerani pingaarnertut siunertaavoq siunnersuutip imartuup misissorneqarnissaa aammalu itisiliiffigineqartussatut paasisinissineqartussatullu ilaasortanit pisariaqartinneqartut pillugit Naalakkersuisunut aallarniutaasunik apeqquteqarnissaaq. Tassunga atatillugu suliffeqarfiit kattuffiillu arlallit ilisimatitsiffiusumik ataatsimiititaliamit nuannersumik ataatsimeeqatigineqarput kiisalu ataatsimiititaliaq Kapisilinnut tikeraarpoq, tassanilu nunaqarfimmut sinniisunik pissarsiffiulluarmut ataatsimeeqatigineqarput meeqqerivimmullu takuniaasoqarluni.

Kiisalu Naalakkersuisut aappassaaneerinninnissamut allannguutissatut siunnersuutaat, ilanngussat C-tut D-tullu ilanngunneqartut, ataatsimiititaliamit suliarineqarput.

Tamatuma peqatigisaanik inatsisissatut siunnersuut Aningaasaqarnermut Akileraartarnermullu Ataatsimiititaliamut suliarineqaqqittussanngortinneqarnissaa ataatsimiititaliamit naatsorsuutigineqarpoq.

2. Siunnersuutip imarisaa siunertaalu

2.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat

Aningaasanut inatsisissatut siunnersuutip ilusiligaanera Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-meersumi kingusinnerusukkut allannguuteqartinneqartumi pingaarnertigut aalajangersarneqarpoq (matuma kingorna missingersuutit naatsorsuutillu pillugit inatsimmik taagorneqarpoq). Naalakkersuisut aningaasanut inatsisissatut siunnersuutip suliarineqarnissaanut aaqqissuunneqarnissaanullu malittarisassaliorsinnaasut § 13, imm. 1-imi allassimavoq. Naalakkersuisullu aningaasanut inatsisip aaqqissugaanera aamma allaffissornikkut aningaasanut inatsisip suliarineqarnerata ingerlasarnera pillugu nalunaarut nr. 44, 27. november 2020-meersoq aqqutigalugu taamaaliorput. Tassani aningaasanut inatsisip aningaasaleeriaatsinut immikkoortiternera kiisalu aningaasanut inatsisissatut siunnersuummik suliarinnittarneq pillugit maleruagassanik aalajangersaasoqarpoq.

Kiisalu missingersuusiorneq pillugu inatsit naapertorlugu oqaasertaliussaq aqqutigalugu inatsimmut atuuttumut ilassutitut aalajangersimasunik aalajangersaasoqarsinnaavoq. Inatsimmilli atuuttumik oqaasertaliussakkut allannguneq pisuni immikkorluinnaq ittuni taamaallaat pisinnaavoq aammalu allannguneq piffissami killilikkami aatsaat pippat. Aammali inatsisini ataavartumik nalinginnaasumilluunniit allanngunerit oqaasertaliussakkut pisinnaannginnerat atuuppoq.

Tassunga atatillugu missingersuusiornermut malittarisassat 2008-meersut ataatsimiititaliamit innersuussutigineqassapput, tassani allassimalluni oqaasertaliussat ataasiakkaat sulii pisariaqarnerisut naliliivigineqartariaqartoq. Missingersuusiornermut malittarisassat naapertorlugit inatsimmi ataavartumik nalinginnaasumilluunniit allannguneq oqaasertaliussakkut ingerlaneqaqqusaanngilaq, tassungali taarsiullugu inatsisiliornikkut akuersissutigineqartussaalluni. Kiisalu missingersuusiornermut malittarisassani allassimavoq oqaasertaliussakkut inatsimmi atuuttumik allannguneq taamaallaat pisariaqartoq inatsimmi allannguneq utaqqinneqarsinnaanngippat.

Taamaattumillu missingersuusiornermut malittarisassat 2008-meersut naapertorlugit oqaasertaliussat, taamaalillutillu aamma piginnaatitsissutit, amerlassusiat sapinngisamik annertunerpaamik killilersimaarneqartariaqartoq ataatsimiititaliamit aalajangiusimaneqarpoq.

2.2 Ataatsimoortumik tullerriiaarisarnissamik tunngavik

Aningaasanut inatsimmi suliaqarnermi qitiusumik tunngavigineqartoq tassaavoq aningaasat ukiuanni Inatsisartut aningaasaqarnikkut tullerriiaarinerata aningaasanut inatsisikkut ataatsimoortumik ingerlanneqartarnera. Aningaasaqarnerup naalakkersuinikkut suliaqartunit paasineqarsinnaanissaata anguniarneqarnissaa aallaavigalugu aammalu siammasissumik tullerriiaarinissap qulakkeerneqarnissaa periarfissaqaqqullugu tunngavik tamanna qitiulluinnarpoq. Aningaasaqarnitta pilersaarusiornera paasilertoruminartumik ingerlallugulu inuiaqatigiit aningaasatigut pisinnaasaannut naleqqussakkamik aningaasartuutigut aqutsivigisinnaassagutsigit periuseq taanna aalajangiusimasariaqarparput. Aningaasanut inatsit Inatsisartunit, aningaasaliisarnermut oqartusaasuusunit aammalu aningaasaliissutit atorneqarnerannik nakkutilliisuusunit, akuersissutigineqartarpoq. Ukiumoortumik pingaarnersiulluni tullerriiaarineq kingusinnerusukkut ilassutitut aningaasaliissuteqarnikkut aalajangiisuusumik allanngortinneqaqqusaanngilaq.

Siumoortumik aningaasaliissuteqartoqarsimatinnagu aningaasartuuteqartoqarsinnaananilu iserti-qartoqarsinnaanngilaq. Taamaattumillu iliuusissaq aningaasanut inatsimmi inatsisiniluunniit allani tunngavissinneqarsimatinnagu iliuusissap piviusunngortinneqarnissaa sioqqullugu aningaasaliissutitigut tunngavissaq pissarsiarineqaqqaassaaq.

Aningaasanut inatsit oqaasertaliussanik arlalinnik imaqarpoq, taakkulu tassaapput inatsimmi aalajangersakkat aningaasaliissutinik aqutsinermi tapertatut atorneqartut. Oqaasertaliussat aqqutigalugit suliaasaqarfiup pineqartup iluani suliaasaqarfiilluunniit assigiinngitsut iluini konto

pingaarnerit akornanni nussuinissamut Naalakkersuisut piginnaatinneqarsinnaapput. Taamatut-taaq atuinerussutit atuinikinnerussutilluunniit ukiut aningaasanut inatsiseqarfiusut assigiinngitsut akornanni nuunneqarnissaannut Naalakkersuisut oqaasertaliussakkut piginnaatinneqarsinnaapput.

3. Aningaasanut inatsisissatut siunnersuummik siullermeerinninneq

2026-imi aningaasanut inatsisissatut siunnersuut Inatsisartunit ulloq 23. september 2025-mi siullermeerneqarpoq. Siunnersuummut nalinginnaasumik oqaaseqaatit arlallit aammalu amerlanerusunik ikinnerusunilluunniit aningaasaliisoqarnissaanik kissaatit aalajangersimanerusut siunnersuummik siullermeerinninnermi saqqummiunneqarput. Kissaatit saqqummiunneqartut amerlanersaat ataatsimiititaliap isumaa malillugu partiit akornanni kiisalu partiit Naalakkersuisullu akornanni aningaasanut inatsit pillugu nalinginnaasumik oqallisiginninnermi ilanngutissallugit naleqqunnerupput.

4. Ataatsimiititaliap Naalakkersuisunut apeqqtai

Aningaasanut inatsisissatut siunnersuummik misissuinini suliarinninninilu tunngavigalugit ataatsimiititaliap Naalakkersuisunut apeqqtinik arlalinnik nassiuussivoq. Ukioq manna aningaasanut inatsisissatut siunnersuummik misissuinnermini ataatsimiititaliap 2026-mi aningaasanut inatsisissatut siunnersuummi kapitali Naalakkersuisut nalinginnaasumik nassuiaataannik imaqartoq pingaarnertut qitiutippaa.

Naalakkersuisut akissutaat 16. september 2025-meersut ataatsimiititaliamit tiguneqarput. Naalakkersuisut akissutaasa tusaatissatut tigunissaat ataatsimiititaliap ataatsimiinnermini toqqarpaa. Akissutit isumaliutissiisummut matumunnga ilanngussaq B-tut ilanngunneqarput.

5. Ataatsimiititaliap siunnersuummik suliarinninnera

Siunnersuutip siullermeerneqarnerata kingorna ataatsimiititaliap inatsisitigut pisussaaffigalugu siunnersuut suliarisussaavaa aammalu siunnersuutip siullermeerneqarnerata aappasaaneer-neqarneratalu akornanni isumaliutissiisuteqartussaalluni.

Naalakkersuisut malillugit attassiinnarnissamut Ineriartortitsinissamullu Pilersaarut II tassunga atatillugu aningaasaqarnikkut aaqqissuussaanikkullu tunuliaqutaalluni pilersaarutitut ataatsimoor-tutut atuuttussanngussasoq ataatsimiititaliamit maluginiarneqarpoq. Tamannalu isumaqarpoq immikkoortunut pilersaarutit periusissiallu allat tamarmik aaqqissuusseqqinnernullu alloriarfiit suliniutissallu tassunga atassutillit Attassiinnarnissamut Ineriartortitsinissamullu Pilersaarut II-mut ataqqinnissasut isummorsorluartassasullu, matumani immikkoortut assigiinngitsut suleqati-giinnerinik ataqatigiissitsinissaq kiisalu inuiaqatigiinni aningaasaqarnikkut attanneqarsinnaa-sumik ineriartortoqarneq qulakkeerniarneqarput.

Kiisalu Naalakkersuisut ukiunut sisamanut atuuttoq Attassiinnarnissamut Ineriartortitsinissamullu pilersaarut II (AIP2) akuersissutiginiuguat ataatsimiititaliamit maluginiarneqarpoq, taanna naalakkersuisut aningaasaqarnikkut politikianut aaqqissuusseqqinnermillu 2029-p tungaanut sulinerannut qitiusumik aallaaviuvoq.

Sulinermut pilersaarutip aningaasaqarnikkut ineriartornermut attanneqarsinnaasumut qaffakkiar-tortitsisumullu, inuiaqatigiinni allannguutinik unammillernartunik isumaginninnermut kiisalu inuiaqatigiit siunissami atugarissaarnissaasa qulakkeernissaannut tapersiissasoq Naalakkersuisut paasissutissiissutigaat. Naalakkersuisut pilersaarutaat aaqqissuusseqqinnissani sisamaasuni tunaartaasup iluani suliniutinik pingaarnersugaasunik imaqarpoq, tulliuttut ilanngullugit:

- Ilinniarsimassutsikkut piginnaassuseqarnikkullu qaffassaaneq
- Piujuartitsisumik siuariartorneq arlalinnillu tunaartaqartumik aningaasarsiornermut ikaar-saaneq
- Pisortat ingerlassivianik siunissamut isumannaarinninneq
- Akileraarusersuinernik, atugarissaarnermi ikiorsiissutinik, inissianut utoqqarnullu suliassaqarfinnik aaqqissuusseqqinneq

5.1 Aningaasaqarnermut Ataatsimiititaliap ataatsimut isigalugu isummernera

Aningaasanut inatsisissatut siunnersuummik misissuereernermini ataatsimiititaliaq tusagassior-finnut nalunaaruteqarpoq, tassani siunnersuummut naliliigallarnini ataatsimiititaliap saqqum-miuppaa.

Naalakkersuisut aningaasanut inatsisissatut siunnersuutaanni Inatsisartuni partiinut tamanut kommuninullu isumaqatigiinniutissat annertugisassaangitsut ataatsimiititaliamit maluginiarne-qarpoq. Taamaattumillu piffissaq qanittoq eqqarsaatigalugu suliassarput ersarilluinnartoq tassaa-voq pisortat aningaasartuutaannut amerliartuinnartunut aningaasalersuutissanik nutaanik nassaar-niarnissaq. Tamatuma peqatigisaanik piffissaq ungasinnerusoq eqqarsaatigalugu pisortat anin-gaasaqarnerata aningaasalersornissaanut isertitassat pisariaqartut ataavartullu qulakkeerniarlugit annertuumik tamatta suliassaqartugut, aamma ingerlatseqatigiiffinni inuiaqatigiinniit pigine-qartuniit. Pisortat aningaasaqarnerata oqimaaqatigiiffiunissaanik inatsisitigut pisussaaffiup eq-quutsinneqartussaanerata suliassaq massakkorpiaq imaannaangitsumillu pisariunerulersippaa.

Aningaasanut inatsisissatut siunnersuutip inaarlugu sularinissaanut aallaavik ajornaatsuin-naangitsoq, taamaattoorli tamatta akisussaaqataanitsigut aaqqiissutissaq nassarineqarsinnaasoq, ataatsimiititaliami amerlanerussuteqartut isumaqarput.

Ataatsimiititaliami amerlanerussuteqartut maluginiarpaat nunatta karsiani isertitat ikileriarnerannik ajornartorsiummut Naalakkersuisut manna tikillugu aaqqiissutiginiagaat tassaasoq annertuumik sipaarniartariaqalerneq.

Assigiimmik annertussusilimmik tamani sipaaruteqarnikkuinnaq ajornartorsiut qaangerneqarsinnaangitsoq ataatsimiititaliami amerlanerussuteqartut isumaqarput. Tassunga atatillugu sipaarutissat aningaasanut inatsimmi siunertanut assigiinngitsunut aningaasaliissutinik aqutsinermut qanoq kinguneqassanersut sukumiisumik isumaliutigisariaqarparput.

Ataatsimiititaliami amerlanerussuteqartut isumaat malillugu isertitsissutissanik nutaanik piaarnerpaamik nunatsinni nassaarniartoqarnissaa pisariaqarluinnarpoq. Isertitaqarnissap qulakkeernissanut aalisarneq suli kisiat annertuallaamik nunatsinni isumalluutigaarput, taamaattumillu inuussutissarsiornermi sukarsuit sinnerinit isertitanik aamma pissarsinissarput massakkorpiaq pisariaqartipparput. Taamaattumillu inuussutissarsiutinik siuarsaanissamut suliniutissanut, inuiaqatigiit isertitaqarnerannik pilersitseqataasussanut, pilersaarutit anguniakkallu ataatsimiititaliamit amigaatigineqarput.

Nunatsinni innuttaasut sukkasuumik ikiliartornerat, tassa assaat sulisinnaasut ikiliartornerat illuatungaaniilu aningaasatigut pisussaaffiit kivitassat annertusiartornerat tatisimaneqalernisatsinnut annikillisaataannngillat. Taamaattumik unammilligassanut iliuusissat ersarissut tigusaasullu ataatsimiisitaliamiit kissaatigivagut takussallugit.

Naggataatigullu ataatsimiisitaliami amerlanerussuteqartut iluarisimaarpaat aaqqiissusseqqinnissat attassiinnarnissamut ineriartortitsinissamullu pilersaarut II-mi saqqummiunneqartut qanoq piviusunngortinneqarnissaat aammalu inuiaqatigiit inuillu aningaasaqarneranni, inuussutissarsiornermi suliffeqarnermilu, peqqinnissaqarfimmi aammalu inuusuttunik ilinniarnermillu suliassaqarfimmi ajornartorsiutit kiisalu inuiaqatigiinni sanngiinnerusortatta unammilligassaat Naalakkersuisunit qaqugu minnerunngitsumillu qanoq aaqinneqalersaarnersut ataatsimiititaliamit pissangatigineqarpoq.

5.2 Aningaasaqarnermut Akileraartarnermullu Ataatsimiititaliap apeqqutai/oqaaseqaatai sammisanut agguataarlugit

Isumaliutissiisummut ilanngussaq A aamma B aallarniutigalugit eqqumaffigeqquneqassapput, tassaniippullu ataatsimiititaliap Naalakkersuisunut aallarniutaasumik apeqqutai kiisalu Naalakkersuisut akissutaat.

6. Naalakkersuisut allannguutissatut siunnersuutaat

Naalakkersuisut siunnersuutip aappassaaneerneqarnissaanut allannguutissatut siunnersuutini 112-inik saqqummiussipput. Taakku ulloq 21. oktober 2025-mi tiguneqarput. Taakkunannga 102-it aningaasaliissutitut allannguutissatut siunnersuutaapput 10-llu oqaasertaliussanut allannguutissatut siunnersuutaallutik. Allannguutissatut siunnersuutit taakku ilanngussaq C-tut aamma ilanngussaq D-tut ilanngunneqarput. Aningaasaliissutitut aammalu oqaasertaliussanut allannguutissatut siunnersuutit isumaliutissiissutit immikkoortuani 6.1-imi aamma 6.2-mi matuma kingulianiittuni sammeneqarput.

AIS2026-p aappassaaneerneqarnerani IST-p IS-illu inerneru, Allannguutissatut siunnersuutit akuerineqassappata AIS2026-p aappassaaneerneqarnerani IST-p IS-illu inernerannut sunniutissat tamarmiusut takussutissiimi matuma kingulianiittumi takutinneqarput.

Aningaasat mio. kr.-nngorlugit.	2026	2027	2028	2029	Ialt
AIS2026-mi IST-p inerneru	11,8	52,2	-14,4	-99,6	-50,0
AIS2026-mi IS-ip inerneru	21,8	62,2	-4,4	-89,6	-10,0
Allannguutissatut siunnersuutip aappassaaneerneqarnerani IST-p inerneranut sunniutissat	8,3	0,3	0,3	0,3	9,4
IST-p inerneranik aappassaaneerinneq	20,1	52,2	-14,4	-99,3	-40,6
IS-ip inerneranik aappassaaneerinneq	30,1	62,5	-4,1	-89,3	-0,6

Taamaalilluni allannguutissatut siunnersuutit aappassaaneerinninnissamut saqqummiunneqarnerattut isikkoqartillugit akuerineqassappata 2026-mi IS-ip inerneru 30,1 mio. kr.-nik amigartoorfiussaq. 2026-mit 2029-mut aningaasanut inatsiseqarfiusumi tamarmi IST-p inerneru 40,6 mio. kr.-inik sinneqartooruteqarfiussasoq missingerneqarpoq. Ukiuni sisamani taakkunani IST-mi angusat 0,6 mio. kr.-inik sinneqartoorfiussapput.

Naalakkersuisut pingajussaaneerinninnissamut allannguutissatut siunnersuutini saqqummiussarnerat nalinginnaavoq. Allannguutissatut siunnersuutit angusanut siuliani allassimasunut allanngortitsissapput.

Missingersuutit inissisimanerat aamma atugarisinnaasat:

UKA 2025/7

J.nr. 01.31.11-00025

J.nr. 01.25.01/25EM-LABU-00007

Missingersuusiortarnermut Naatsorsuusiortarnermullu Inatsit naapertorlugu kommunini aamma Namminersorlutik Oqartussani ingerlatsinerimut, tapiissuteqartarnermut sanaartukkanullu ukiuni tulluittuni ataatsimut aningaasaliinissanut kommunit aamma Namminersorlutik Oqartussat inerisaanissaannut killiliunneqartussaq naatsorsuiffigineqarsimavoq. Naatsorsuisarnermut malit-tarisassat sukumiinerusut Missingersuusiortarnermut Naatsorsuusiortarnermullu Inatsimmi § 2, imm. 2, nr. 2-mi nassaassaapput. Tassani ingerlatsinerimut, tapiissuteqartarnermut sanaartukka-nullu ataatsimut aningaasaliissutaasut kommunit ukiumoortumik missingersuusiornissaanni annerpaamik ukiumi ataatsimi 1,00 pct.-imik ineriartorfiussasut aamma ukiuni sisamani 2,00 pct-imik ataatsimut annerpaamik ineriartorfiussasut takuneqarsinnaavoq. Tamatumunnga ilanngun-neqarput ukiut missingersuusiortarnermut.

Aningaasanut inatsimmi aningaasartuutit amerleriarsinnaanerannut inatsisitigut killiussinerup nassatarisaanik sinneqartoorutit siuliani taaneqartut aningaasanut inatsimmi aningaasartuutit amerlineqarnissaannut atorneqarsinnaanngimmata oqaatigineqassaaq.

Aningaasanik atorneqarsinnaasunik Naalakkersuisut naatsorsuinerat aningaasanut inatsisissatut siunnersuummi takuneqarsinnaavoq, tassani 2026-mi aningaasartuutissanut nutaanut atorne-qarsinnaasut takussutissiami matuma kingulianiittumi takuneqarsinnaallutik:

Namminersorlutik Oqartussani ingerlatsinerit, tapiissuteqarnerit sanaartornerillu akuerisat, mio. kr.-inngorlugit.

	Aningaasar-tuutit 2026	Aningaasar-tuutit 2027	Aningaasar-tuutit 2028	Aningaasar-tuutit 2029	Atorneqar-sinnaasut katillugit
AIS 2026-mi atorneqarsinnaasut	-2,5	-2,5	-2,5	-2,5	-10,0
Aappassaaneerinninnerup kingorna atorneqarsinnaasut allannguutaat.	8,3	0,3	0,3	0,3	9,4
Aappassaaneerinninnerup kingorna atorneqarsinnaasut nutaat	5,8	-2,2	-2,2	-2,2	-0,6

Piffissami aningaasanut inatsiseqarfiusumi tamarmi aningaasartuutissanut nutaanut atorneqar-sinnaasut tamarmiusut 0,6 mio. kr.-iusut tassani allassimavoq.

Suliassaqarfinni arlalinni ukiap tungaanut qulaajaanermik aappassaaneerinninnissamut pingajussaaneerinninnissamullu allannguutissatut siunnersuuteqarnermik nassataqarsinnaasumik suliaqartoqartoq aningaasanut inatsisissatut siunnersuummut nassuiaatini nalinginnaasuni Naalakkersuisut erseqqissaatigaat. Allannguutissatut siunnersuutaasinnaasut uku ataasiakkaat Naalakkersuisunit naatsumik nassuiaatigineqarput:

Ataatsimoortumik tapiissutit pillugit kommuninik isumaqatigiissutit

Ataatsimoortumik tapiissutitut isumaqatigiissut pillugu kommuninik isumaqatiginninniarnert aallartereerput. Oktobarimi-novembarimi isumaqatigiissuteqartoqassasoq ilimagineqarpoq, taamaalinerani inatsisissatut siunnersuutit kommunit aningaasaqarnerannut sunniutillit suusut paasineqareertarput.

Akileraarutitut akitsuutinullu missingiinerit nutaat

Akileraartarnermut Aqutsisoqarfik oktobarip qaammataata naalernerani akileraarutini akitsuutinilu ineriartorneq AIS2026-mi isertitassanut missingiinerni allanngortoqarnissaanut tunngavissaqarnersoq naliliisoqassaaq. Tamatuma saniatigut biologit siunnersuinerat immikkut raajaqassutsimut pingaaruteqarluarsinnaavoq.

Aningaasanut inatsit pillugu isumaqatigiinniarnert tunngavigalugit allannguutissatut siunnersuut Inatsisartuni partiinik aningaasanut inatsit pillugu isumaqatigiinniarnert tunngavigalugit AIS-2026-p pingajussaaneerneqarnissaanut allannguutissatut siunnersuummut aningaasaliissutissanik saqqummiisoqarumaartoq ilimasuttoqarpoq.

6.1 Aningaasaliissutitut allannguutissatut siunnersuutit

Soorlu siusinnerusukku taaneqartutut aningaasanut inatsisissatut siunnersuummut allannguutissatut siunnersuutini 112-nik Naalakkersuisut saqqummiussipput. Taakkunannga 102-it aningaasaliissutitut allannguutissatut siunnersuutaapput 10-illu oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiissutit immikkoortuani 6.2-mi sammineqarput.

Aningaasaliissutitut allannguutissatut siunnersuutit sammisanut ukununga immikkoortinneqarsimapput:

Sammissaq 1: Teknikikkut allannguutit

Sammissaq 2: Missingersuutitut sunniuteqanngitsumik allannguutit

Sammissaq 2.1: Inuussutissarsiornermut missingersuutitut allannguingitsumik allannguutit

Sammissaq 3: Aningaasartuuteqarnerunerit

Aningaasaliissutitut allannguutissatut siunnersuutit nr. 1-imit nr. 102-imut normulersugaapput.

Aningaasaliissutit pineqartillugit allannguutissatut siunnersuutit ataasiakkaat normui aningaasaliissutitut takussutissiami allassimapput; ilanngussaq 1. Aningaasaliissutitut takussutissiat Naalakkersuisut aningaasaliissutitut allannguutissatut siunnersuutaannut saarlinngorlugit ilanngunneqarput, taakkulu isumaliutissiisummut ilanngussaq C-tut ilanngunneqarlutik.

Oqaasertaliussanut allannguutissatut siunnersuutit 10-iupput. Taakku nr. 103-imit nr. 112-mut normulersugaapput. Oqaasertaliussanut tunngatillugu normuliunneqartoq oqaasertaliussat siornagut allanneqarpoq. Oqaasertaliussat ilanngussaq 2-mik taaguuserneqarput. Taakku isumaliutissiisummut ilanngussaq D-p ataani ilanngunneqarput.

6.1.1 Sammisag 1 – Teknikikkut allannguutit

Qulequttami tassani allannguutissatut siunnersuutit 68-inik Naalakkersuisut saqqummiussipput, taakkulu 1-imit 68-imut normoqarput.

Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IS-imut sunniuteqassanngillat.

Sammisami missingersuutitut ilanngussani oqaasertanik suliaasanullu kisitsisinik il.il. nutarterineq pineqarpoq. Aningaasaqarnermut Akileraartarnermullu Ataatsimiititaliamit aningaasanut inatsisissatut siunnersuummut il.il. apeqqutit teknikimut attuumassuteqartut tunngavigalugit nutarterisoqarpoq. Sammisap ataani aningaasaliissutitut siunnersuutit aningaasaliissutit allannguutaasussanik saqqummiussisoqanngilaq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 1-ip ataani allannguutissatut siunnersuutit nr. 1-68 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaa**.

6.1.2. Sammisag 2 – Missingersuutitut sunniuteqanngitsumik allannguutit

Qulequttami tassani allannguutissatut siunnersuutit 13-nik Naalakkersuisut saqqummiussipput, taakkulu 69-imit 81-imut normoqarput.

Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IS-mut sunniuteqassanngillat.

Manna sammisami allannguutissatut siunnersuutit uku pingaartumik pineqarput:

1. Illunik sanaqataaffiusunik aqqissuussinerup kommuninit piffissami 2017-2025 akisussaaffigineqartumik tigusineq. Akisussaaneq 1. januar 2026-mit Namminersorlutik Oqartussanut nuunneqassaaq.
2. Maannakkut inissianik iluarsartuussinermut, pitsannguinnermut ineriartortitsinermullu taarsigassarsiat aamma soraarnerit inissiaannik iluarsartuussinerit pillugit suliasat tiguneqarnerat. Suliassaq kommuninit piffissami 2020-2025 akisussaaffigineqarpoq, akisussaanerlu Namminersorlutik Oqartussanut 1. januar 2026-mit nuunneqassaaq.

Suliniutitut taakkununga piginnaatitsissut oqaasertaliinikkut qulakkeerneqassaaq, tamannalu pillugu allannguutissatut siunnersuut aamma saqqummiunneqassaaq. Kommunit suliniut pillugu ataatsimut tapiissutit isumaqatigiinniutigineqarnarneranni ilisimatinneqassapput. Ilimagineqarpoq suliniut kommuninit isornartorsiuinermik kinguneqassasoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 2-p ataani allannguutissatut siunnersuutit nr. 69-81 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

6.1.3. Sammisag 2.1 – Inuussutissarsiornermut missingersuutitut allannguinnigitsumik allannguutit

Qulequttami tassani allannguutissatut siunnersuutit 19-inik Naalakkersuisut saqqummiussipput, taakkulu 82-imit 100-imut normoqarput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IS-mut sunniuteqassanngillat.

Manna sammisami, inuussutissarsiornermut kontoni aqqiinerit missingersuutitut allannguinnigitsut kingunerisaattut, siunnersuutit missingersuutitut allannguinnigitsut saqqummiunneqassapput.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 2.1-ip ataani allannguutissatut siunnersuutit nr. 82-100 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

6.1.4. Sammisag 3 – Inuussutissarsiornermut missingersuutitut allannguingsutsumik allannuutit

Qulequttami tassani allannguutissatut siunnersuutitut 2-nik Naalakkersuisut saqqummiussipput, taakkulu 101-mit 102-imut normoqarput.

Allannguutissatut siunnersuutit taakku IS-ip inerneranut ukiumi aningaasanut inatsiseqarfiusumi 2026-mi 8,3 mio. kr.-inik piffissamilu 2026-mit 2029-mut 1,0 mio. kr.-inik ajorseriaataassapput.

Naliliutaavoq aningasartuuteqarnerunerit missingersuutit ilaangitsut pinngitsoorneqarsinnaangitsut, taamaammallu taakku missingersuutit maannangaaq ilanngunneqassapput. Taakkuuppullu:

1. Neqi A/S-mut 2026-mut sullissinissamik isumaqatigiissutit isumaqatigiissutigineqarneranut aningaasat amerlanerussapput. Aningaasaqarnermut Akileraartarnermullu Naalakkersuisoqarfiup KNI A/S-mut sullissinissamik isumaqatigiissummik atuuttumik, tassunga ilanngullugu Neqi A/S pillugu sullissinissamik isumaqatigiissummik, akisussaaneq 2025-p qiteqqunnerani tiguaa. Neqi A/S-mik iluarseeqqinnissamut pilersaarusiornissaq siunertaralugu Avatangisut Pinngortitamullu Naalakkersuisoqarfimmi suleqatigiissitaq 2022-mi pilersinneqarpoq. Kisianni immikkoortumik tigusiineq naammassineqanngilaq tamannalu pillugu politikkikkut aalajangiisoqarani missingiuteqaranilu.

Iluarseeqqinnissamut pilersaaruteqanngimmat, aamma Aningaasaqarnermut Akileraartarnermullu Naalakkersuisoqarfiup iternga tikillugu misissueqqissaarnissaanut neqileriffim-mullu aaqqiissutissamik piffissamut sivisuumut aningaasaqarnermi nappanneqarsinnaasumik suliaqarnissaanut piffissap sivikippallaarnera eqqarsaatigalugu, ingerlatsiinnarnissamut aningaasanik 2026-mi immikkoortitsinissaq pisariaqarpoq. Aningaasaliinermi tassani Neqi A/S pillugu siunissami aaqqiissutissap paasiniarnissaanik isumaqatigiin-niarnermillu suliaqartoqartillugu neqileriffiup ingerlatai allanngortinnagit ingerlatsiinnarnissaq aningaasaliinermi tassani qulakkeerneqassapput.

2. Nunani allani sinniisoqarfinnut 1,7 %-imik akit qaffannerisa kingunerisaattut nunanut allanut suliaqarfinnut aningaasat qaffanneqassapput. Tamatuma, sinniisoqarfiit missin-gersuutaannik ajornerulernissaannik pinaveersaartitsissaaq, suliallu maannatut ingerlatiinnarlugit.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 3-p ataani allannguutissatut siunnersuutit nr. 101-102 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

6.2 Oqaasertaliussanut allannguutissatut siunnersuutit

6.2.1 Naalakkersuisut oqaasertaliussanut allannguutissatut siunnersuutaat

Oqaasertaliussanut allannguutissatut siunnersuutininik katillugit 10-inik Naalakkersuisut siunnersuuteqarput taakkulu 103-mit 112-imut normoqarput. Ataatsimiititaliap matumani isumaliutissiisummini ilanngussaq D innersuussutigaa.

Makku immikkut oqaatigineqassapput:

Allannguutissatut siunnersuutit nr. 103 aamma 104:

Suliassa qarfimmu 10-89-imut oqaasertaliussat marluk ilanngunneqarnissaat qinnutigineqarpoq, taakkunuunatigut qulakkeerneqassalluni illunut sanaqataaffiusunut taarsigassarsisitsinnaanermik oqartussaaffiup aammalu illuutaareersunik iluarsartuussinernut, pitsannguinnermut alliliinnernullu kiisalu illuutaareersunik soraarnerussutisiaqartunit pigineqartunut iluarsartuussinernut taarsigassarsisitsinnaanermut oqartussaaffiup kommuninit Naalakkersuisunut 1. januar 2026-mi nuunneqarnissaa. Allaffissornikkut qitiusumut inissiineq nuna tamakkerlugu sunniuteqarluerusumik, ersarinnerusumik assigiaarnerusumillu ingerlatsisoqarnissaanik qulakkeernissasoq nalilerneqarpoq. Tamatuma peqatigisaanik Naalakkersuisut allaffissornermut ingerlatsinermullu erseqqinnerusumik malittarisassiornissamut piginnaatinneqarput. Oqaasertaliussat sammissaq 2-p ataani allannguutissatut siunnersuutitut atatillugit isigineqassapput.

Allannguutissatut siunnersuutit nr. 106, 107 aamma 108:

Konto pingaarnermut 20.05.46-mut, Naalagaaffimmik sinaakkutitut isumaqatigiissummut tungasumut, oqaasertaliussat pingasut ilanngunneqarnissaat qinnutigineqarpoq, taakkunuunatigut Naalakkersuisut ilaatigut piginnaatinneqassallutik sinaakkutitut isumaqatigiissuttip makkunuunatigut piviusunngortinneqarnissaanik danskit naalagaaffiannik isumaqatigiissuteqarnissamut; piviusunngortitsinerup ilaatut tapiissutinik tigusinissamut, aningaasaliissutinik tigusinissamut aammalu ingerlatseqatigiiffiit pillugit inatsisitigut malittarisassanut tunngatillugu iliuuseqarnissamut; pigisanik nalilinnik namminersorlutik oqartussat ingerlatseqatigiiffiinnut imaluunniit aqutatut ingerlatseqatigiiffinnut taakkunaannga pigineqartunut tunniussinissamut; Aningaasarnermut Akileraartarnermullu Ataatsimiititaliamik akuerineqartumik aningaasanut inatsimmi nuussinissamut; aammalu aningaasaliisartutut aningaasaateqarfinnik pilersitsinermut atatillugu ingerlatsivinni suliffeqarfinniluunniit nutaani sinniisussanik toqqaanissamut.

Tamatuma saniatigut napparsimasunik Danmarkimi katsorsarneqartussanngorlugit innersuuneqartut kiisalu peqqissutsimut suliassaqarfimmi annertunerusumik suleqatigiinnissaq pillugit sinaakkutitut isumaqatigiissutip piviusunngortinneqarnerata ilaatut inatsisitigut piumasagaatit ilaanik sanioqqutsinissamut Naalakkersuisut piginnaatinneqarput. Inatsisit sanioqqunneqar-nissaannik Naalakkersuisut aalajangerpata, tamakku pillugit aalajangernerit allaffissornermi oqartussamut allamut naammagittaalliutigineqarsinnaanngillat.

Allannguutissatut siunnersuut nr. 109:

Konto pingaarnermut 31.02.01-imut, Inersimasunut inuunikkut atugarliortunut suliniutitut tunngasumut, oqaasertaliussamik ilanngussisoqarnissaa qinnutigineqarpoq, tassuunakkut suliniutitut konto pingaarnerpum matuma siunertaata iluaniittunut suleqatinik avataaneersunik ukiuni arlalinni atuuttussamik isumaqatigiissuteqarnissamut Naalakkersuisut piginnaatinneqarput.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissatut siunnersuutit nr. 103-mit 112-mut **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

7. Aningaasaqarnermut Ataatsimiititaliap inassuteqaatai

Taama oqaaseqarluni Aningaasaqarnermut Ataatsimiititaliap aningaasanut inatsisissatut siunnersuut Inatsisartunit aappassaaniigassanngortippaa.

Sammissaq 1-ip ataani allannguutissatut siunnersuutit nr. 1-68 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

Sammissaq 2-p ataani allannguutissatut siunnersuutit nr. 69-81 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

Sammissaq 2.1-ip ataani allannguutissatut siunnersuutit nr. 82-100 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

Sammissaq 3-ip ataani allannguutissatut siunnersuutit nr. 101-102 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

Oqaasertaliussanut allannguutissatut siunnersuutit nr. 103-112 **akuerineqassasut** ataatsimiititaliami amerlanerussuteqartut Demokraatineersut, Inuit Ataqatigiinneersut Siumumeersullu **inassutigaat**.

Inatsisartut suliarinninnerat tunngavigalugu Inatsisartut inaarutaasumik pingajussaaneerinnillutik suliarinninnissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq**.

Erik Jensen
Siulittaasoq

Pele Broberg
Siulittaasup tullia

Jørgen Rosbach

Margrethe Thårup Andersen

Mariane Paviasen Jensen